

ادبیات عمومی و تجربی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۱ جمادی الآخر ۱۳۳۵ جمعه ایرتسی ۲۴ مارت ۱۹۱۷ نومرو ۲۱

کملیت بشریه تصورنده شرق ایله غربک فرقی

قارئین کرامه بو خصوصده ایکی مشهور نظریه عرض ایده جکم . لکن کوچوچوک بر مقدمه یه - لطفاً - صبر ایتمه لرینی استرحام ایدهرم . فکر تکامل - نیم تحقیقه کوره - ذهن بشرده بیکارجه سنه اول طوغمش بر (عقیده doctrine) در ؛ وقویاً ظن ایدیورم که اول شرقده بلیرمش بر لمعه معرفتدر . (بوددیزم Bouddhisme) اعتقادنده بونک صوفیانه بر شکلی کوره بیلیورز : انسان بویوک بر صبر و ثبات ایله متمادباً اعمال خیریه یه وقف نفس ایدهرک بر چوق ادوار متتابعه کچیریور و هردور ، کندیسنه بر (تصفیه purification) ادمانکاهی احضار ایتدیکندن طولایی ، (کملیت perfection) مرتبه‌سنه و اصل اوله بیلیمک ایچون انسانک - بهمه حال - بوصفحات تکاملدن علی التدریج کچمه‌سی لازمکیور . کچه بیلیرسه بارکاه الوهیته کیره رک (مقربین) دن صایلیور . نهایت (بوددا) ایله بکوجود اولویور که (نیروانا = فنا فی الله) بودر . بونک ایچون ده بهمه حال ، حس و عقلدن تماماً تبری و تجرد ایتمه لی ؛ ثولزدن اول ثوله لی ؛ (هیچ) اولمالی در . بوددیزم اعتقادنجه کملیت هیچه چیقیور ! . . .

بوتون غرب عالمنک مهد مدینتی و منبع عرفانی اولان یونان قدیم حکماسنده بوفکر تکاملی - براز باشقه تورلو - کورویورز ؛ حتی (امپادقلس Empedocles) (*) و افلاطونک تکامل نظریه‌لری بیه یكدیكرندن فرقلی در : برنجیسی هین زمانده مقتدر بر شاعر دخی اولدوغی ایچون فکرلرینی نظماً ادا ایتشدی . اعتقادنجه موجوداتک بر (جوهر اصلی) سی واردر که تورلو تورلو شکله کیروب تجلی ایدر . اولاً جمادات شکنده کورونور : طاش ، طوبراق اولور ، مرجان اولور . الی آخره ، صوکره نبات شکلی آلیر ، دها صوکره حیوان و نهایت انسان قیلیغنه کیور . بو اعتقاده صدق ایله مربوط اولان (آمپه دو قله‌س) ، انسان اولمازدن اول ، دکزده بالیق کی یوزدوکنی ، چایرلرده حیوان کیی اوتلایوب گزدیکنی ، هواده قوش کیی اوچدوغنی ، شعرلرنده نقل ایدیور . بو اعتقاده کوره کملیت کمال صورت و معنویته پیوسته اولویور .

(*) بوفیلسوفلرک هرایکیسی ده شرقده مشهور اولمش ، هله امپادقلسک - پراکنده اوله‌رقه اخلافه انتقال ایدن - فکرلری ترک اشعار صوفیانه‌سنه بیه عیناً کچمش در .



بر هفته لوق تاریخ حرب



[۱۵ - ۲۱ مارت ۱۹۱۷]

کچن هفته، هم شئون حربیه، هم ده حربیه شدت تعلق اولان حادثات سیاسیه جهتدن زنکیندر. مختلف حرب جبهه لرنده بوتون قیش طرفنده کوره کلدیکمز علی العاده و موضعی مصادمه لردن باشقه برشی یوقسه ده، اولکی کونکی آلمان تبلیغ رسمیسنده او قودق که، (آراس) شهری ایله (اوواز) وئهن نهرلری آراسنده چیقیندی تشکیل ایدهن داربر ساحه یی آلمانلر ترک و تخلیه ایتشلردر. ذاتاً، اولکی نسخه مزده قید ایتدیکمز وجهله، کچنلرده آلمانلر آنقرنهری بونینده پک زیاده چیقیندی تشکیل ایدهن جبهه لرشی دشمنلرینک خبری اولمادن کری چکمشلر و آرقه ده حاضر لانا محکم موضعلرده برلشمشلردی. دشمنلرک بو حادثه حربیه حقنده کی حیرت و تعجبیلری، تا ویلاتلری ختام بولمادن کورو یوروز که آلمان ارکان حربیه سی داها بویوک برپارچه اراضی یی - ینه دشمنلرک خبری اولمادن - ترک و تخلیه ایتدیرمش، عسکری آرقه ده حاضر لادینی موضعلره چکمشدر.

ترک ایدیلن وانکلیرلره فرانسلرک بالسهوله اشغال ایتلرینه مانع اولقی ایچون خفیف دمدار قوتلریله، دشمنه آغیر ضایعات ویردیره زهک، مدافعه اولنان بواراضی، انکلیرلره فرانسلرک صوم تعرضنده بر میلیون کشینک قانی بهاسنه آلا بیلدکلری اراضیدن بر قاچ کره داها بویوک ایسه ده، بونک بر تدبیر حربی اوله رق اختیار ایدلمش اولدیغنی نظر دقتده بولوندورمالیدر. ذاتاً فرانسه ده کی آلمان جبهه سی منحنی بر خط تشکیل ایدیور ایکن، (صوم) و (آنقر) تعرضی اوزرینه آلمان خط مدافعه سی بوسبوتون معوج و پک منکسر خطوطدن مرکب بر حال آلمش، یعنی اوزنلاشمش ایدی. و بورانک مدافعه سی کیتدکجه دها زیاده فداکارلنی ایجاب ایدیوردی. آلمان مواضی بر چوق ایلردن بری دشمنک آغیر طوپلری آتشی آلتنده قالدیغندن و بورالری اساساً بر انتخاب ایله دکل، حرکات حربیه نک سوقیله طوتولمش برلر اولدیغندن، قوه مدافعه و مقاومه سی ضعیف ایدی.

ایشته آلمان ارکان حربیه سنک تیقظ و بصیرتی بوراده ده کورولدی. آلمان مواضی متخصصین فن حرب طرفندن تدقیق و معاینه ایدلدی و بونلرک کچن یازده کی صوم تعرضی درجه سنده بویوک بر ایملک بهار تعرضنه مقاومت ایده بیله جکلری حقنده قناعت حاصل اولمادیغندن، کریده، عسکرلک نقطه نظرندن داها مساعد و بالجه و سائط فیه دائره سنده ترتیب ایدیلن مستحکم جبهه حربیه چکیلیمک لزومی قبول اولوندی. انکلیرلره فرانسلر بونی موفقیتلری عالم اعلان ایده جکلر سه ده یاقینده کی تعرضلرنده آلمان جبهه سنک نه قدر قیصاالمش و نه درجه کسب مکملیت ایتمش اولدیغنی کوره جکلردر. الیوم (آراس) و (ئهن) آراسنده کی آلمان جبهه سی دوز، قیصه بر خط مدافعه و کره داها آز عسکرله مدافعه اولونا بیلیر.

بوتدبیرک بالاخیار اجرا ایدلمش و حسیاتی دکل، یالکز منطقی و قواعد عسکریه یی درپیش ایدن بر باش قوماندان طرفندن اصرا و لوئیش اولدیغنی آکلامق ایچون، آلمان مطبوعاتی ارکانک بر آی قدر مقدم بو تخلیه دن محرمانه خبردار ایدلدیکنی بیلیمک کفایت ایدر.

آلمانلرک بو حرکت رجعیہ دہ جبهه قیصالتیق وعسکرتھنرف ایتکدن باشقہ استفادہ لری دہ واردہ . آلمانلر رجعت ایتدکلری یرلرک یوللری فلان کاملآ تخریب ایتشلردر . انکلزلرلہ فرانسلر ، پوتون جبهه لری ، آغیر ظو پاریخی ، اس الحرکہ لری ایلریلہ تمکک مجبور اولاجقلر ، بو صورتلہ تعرض پلانلری قسماً بوزولاجق ، هیچ دکلسہ تأخر ایدہ جکدر . بوندن باشقہ تخلیه ایدیلن اراضی آلمانلرہ قاریش قاریش معلومدر . بوده آلمان طومجیسی ایچون بر بویوک استفادہ در . ہر حالہ (ہیندہ نبوغ) ہر شیک فوقندہ ویالکز فایہ مظفرانہ بی دوشونن ، و بواوغورده حسیانی دہ قدا ایدہن بر باش قوماندان اولدیغنی اثبات ایتشد . کورہلم وقوعات نہ کوستر .

§ عثمانلی تبلیغ رسمیلری جبهه لردہ یکی برشی اولمادیغنی قیدایدیورلر . عراق حرکاتندہ طرفینک یکی مواضع اخذیلہ مشغول اولدقلری و بوندن سوکرہ یکی محاربات باشلاہ جفی محققدر . قافقاس جبهه سندہ کوچوک بمصادمات وقوع بولیور . فلسطین جبهه سی حقندہ یکی برشی تبلیغ ایدلہ مشدر .

§ ساحۂ سیاستدہ روس اختلالی و فرانسلر قاینہ سی بحرانی کی یکی مهم حادثہ واردہ . روسیہ دہ چارلق بیقیلیدی . یرینہ بر حکومت اختلالیہ کچدی . بواختلالہ انکلزلرلہ فرانسلرک پارمنی اولدیغنی و بونلرک چار حکومتک منفرد بر صلح یامالزندن قورقارق ، داخلہ کی حریت پرووانلہ برلشوب اونی ییقدقلری آکلاشیلیور . فقط بو ایشک صوکی نرہیہ وارہ جفی ہنوز معلوم دکادر . واقعا روس حکومت اختلالیہ سی حربجو کورونیورسہ دہ عملہ صنوفی صلح پروردر . ایشلرک ایلری کیدیورہ . ہنوز اورتادہ حکمدار بیلہ یوقدر . چارک یرینہ کچیریلن غراندوق (میخائل) تاجی قبول ایتہ مشدر . غراندوق تیقولاً دیققتاً نور تعین ایدلہ مشدر . بو آدم الہ بویوک مستبددر . بونکک ، اک مفرط آمال حریت پرووانہ کوسترہن یکی حکومت ، سوسیالیستلر ونیہلسیتلر ، مملکتک اوتہ سندن بریسندن اظهار اولنان جہوزیت مطالبی بر آرادہ نصل یورور ؟ بیلہ مہیز . ہر حالہ اختلال ایلک کونلردہ ظن ایدلیدی کی بسیط بر شکلہ ختام بولامشدر ، توسع ایدیور و قاریشیور . روسیہ کی استبدادک او درجہ کوکلی و شامل بولوندیغنی بریردہ بودہ طبیعیدر . بکلہلم ، کورولہ جک چوق شیلر وار . فرانسہ دہ بریان قاینہ سی دہ کرک بواختلالدن ، کرک تحت البحر حربنک فرانسنک داخلی ایشلری بر باد ایتدیکندن دولای استعفا ایتدی . ذاتاً کچن سنہ دن بری بو قاینہ مجلس مبعوثان حضورندہ کی اعتمادی غائب ایدیوردی . صوک زمانلردہ عدد مخالفین آرای موجودہ نک نصفی کچمشدی . فرانسہ دہ روسیہ اختلالی ظاہراً حربجویانہ بر معنادہ کورولمک ایستہ نیورسہ دہ حقیقتدہ ایشلرک کیدیشندن ممنون اولمادقلری شہہ سزددر . یالکز شباطدہ (۷۸۰) بیک طون کمی باتیران تحت البحر حربی دہ دشمنلری مشکل موقعہ صوقیور . سابق مالہ ناظری موسیو (رینو) بر قاینہ تشکیل ایتدی ، بو ذات عجبانہ درجہ حربجو کورونہ جکدر ؟

اعتذار — مع الاعتذار سعید بک اقتدینک مقالہ سنک مابعدی بو ہفتہ یہ درج ایدیلہ مدی .